

PRIJEDLOG

Na osnovu člana 4. Zakona o prometu nepokretnosti ("Službeni list SR BiH" br. 38/78, 4/89, 29/90, 22/91, 21/92, 17/93 i 18/94), člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća ("Službene novine Kantona Sarajevo", br. 2/10), Općinsko vijeće Ilijaš na sjednici održanoj dana _____2014. godine donosi

O D L U K U

o prestanku statusa nepokretnosti
u općoj upotrebi

Član 1.

Utvrđuje se da je izgubilo status nepokretnosti u općoj upotrebi zemljište označeno kao:

- k.č. br. 115/18 rijeka Rijeka Misoča u površini od 560 m² upisano u Iskaz I javno dobro K.O. SP_Donja Vogošća kojoj po novom premjeru odgovara parcela k.č.br. 1909/12 K.O. Ilijaš Grad.

Član 2.

U zemljišnim knjigama Općinskog suda u Sarajevu brisat će se izvršeni upis zemljišta iz člana 1. ove Odluke kao nekretnine u općoj upotrebi koje su upisane kao javno dobro u Iskazu I, a navedeno zemljište će se upisati kao državna svojina i upisanom Općinom Ilijaš kao nosiocem prava raspolaganja sa dijelom 1/1 u odgovarajući zemljišnoknjižni uložak.

Član 3.

Ova odluka stupa na snagu narednog dana po objavljivanju u "Službenim novinama Kantona Sarajevo".

Broj: _____/14

Ilijaš, 13.11.2014. godine

Predsjedavajući Općinskog vijeća

Damir Filipović, s.r.

O b r a z l o ž e n j e

Pravni osnov za donošenje ove Odluke član 4. Zakona o prometu nepokretnosti ("Službeni list SRBiH", br. 38/78, 4/89, 29/90, 22/91, 21/92, 17/93 i 18/94).

Službi za imovinsko pravne poslove, geodetske poslove i katastar Općine Ilijaš obratila se Služba za prostorno uređenje i stambeno komunalne poslove Općine Ilijaš sa zahtjevom za uplanjenje Osnovne škole "Stari Ilijaš" u Starom Ilijašu na temelju rješenja o upotrebnoj dozvoli br. 05/1-23-2197/14 od 21.08.2014.godine. Pomenutim rješenjem data je upotrebna dozvola za radove na izgradnji Osnovne škole ali nije data upotrebna dozvola za vanjsko uređenje školskog dvorišta.

U postupku rješavanja Odsjek za katastar izvršio je snimanje školskog objekta i školskog dvorišta i prenošenjem snimljenog detalja na plan utvrđeno je da je jedan dio dvorišta kao i manji dio igrališta ulazi u dio parcele k.č.br. 1909/1 K.O. Ilijaš Grad koja je u naravi rijeka Misoča upisana u posjedovni list br. 180 posjednika javno dobro – vode. Iz svega naprijed navedenog neophodno je predmetno zemljište kao zemljište u općoj upotrebi prenijeti u državno vlasništvo kako bi se na taj način moglo obezbijediti nesmetano korištenje školskim dvorištem i igralištem.

Shodno gore navedenom Općinski Načelnik Općine Ilijaš predlaže Općinskom vijeću da prihvati ponuđenu Odluku.

Služba za imovinsko pravne poslove,
geodetske poslove i katastar